



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De gratia magna compunctionis, & larga effusione lachrymarum, in  
communicatione corporis Christi. XXI

[urn:nbn:de:hbz:466:1-45790](#)

## CAPVT XX.

*De femina, meritis B. Maria Virginis, à fœua desperationis liberata.*

1. N eadem ciuitate Schiedam erat fœmina quædam pusillanimes & timorata, quam diabolus in desperationis barathrum ferè præcipitauerat. Obiecit namque ei sapient per somnium sce-  
dulam, cum peccato quodam ab ea commisso, quasi necdum di-  
uinitus dimisso nec dimittendo: cùm tamen ipsa illud sacramen-  
taliter sèpius confessa absolutionem suscepisset, & poenitentiam  
iniunctâ egisset. Cùm ergo cordis sui angustias huic virgini cre-  
brius exponeret, & illa benignis consolationibus desolatam re-  
foueret, nec tamen quantum vellet, circa eam proficeret, eo quòd  
princeps mortis, nouis semper terroribus per somnum eam, sic-  
ut prius, conturbaret, dicens: Nequaquam manus meas euadere  
poteris, quia literis istis te mihi confirmatam & subiugatam  
habeo.

2. Contigit ergo quadam vice, ut virgo orationibus dedita,  
ad cælestia rapta, eundem videret dæmonem chartam ipsam in  
manu gestantem: sed manu B. Mariæ Virginis de manu eius vio-  
lenter est ablata & rupta. Potens enim erat misericors Domina,  
omnia machinamenta diaboli dissoluere, & tristem animam fi-  
ducia bonæ spei consolari. Hæc postmodum virgo sensibus cor-  
poris restituta, domino Ioanni Walteri confessori suo retulit,  
malitiam diaboli per pietatem B. Virginis destructam ostendens.  
Post hæc femina predicta, sicut prius, desolationis suæ querimo-  
nias coram virgine depositit: quam illa blandè consolans, tacita  
tamen chartæ destructione, præcepit ut secura deinceps esset, nec  
quicquam mali super hoc sibi carenturum formidaret. Sed & se-  
ipsam obsidem pro conscientia illius in die iudicij offerens, ac di-  
uinæ pietati per omnia confidens, ab omni præhabita trepidatio-  
ne liberam eam reddidit & pacatam.

## CAPVT XXI.

*De gratia magna compunctionis, & larga effusione lachrymarum,  
in communicacione corporis Christi.*

1. N nc consequenter dicenda sunt aliqua, de statu sacre com-  
munionis huius deuotissime virginis: qualiter ipsa ( aspira-  
te diuina gratia ) paulatim proficit ad altiora dona, frequenter  
accipiendo preciosi corporis Christi sacramenta.

2. Eo igitur tempore ariditatis suæ ( quando virgo adhuc nescia  
spiritualis dulcedinis, langueret in lectulo acerbissimi doloris)  
fuit



fuit deuotus quidam sacerdos, Dominus Ioannes Potdictus, qui eam bis in anno communicare solebat, & primitus ad meditacionem Dominicæ passionis informauerat. Hic ergo curam gerens salutis agræ virginis, cum quodam die eam communicaturus esset, accipiens in manibus suis facram & incontaminatam hostiam, indicabat ei seriosè latis & affectuosè, quatenus aspiceret & susciperet eum, quem in manu tenebat: sciens pro certo, quia ille foret Dominus Deus creator suis, qui pro ipsa fuerat incarnatus, passus, ac mortuus: qui etiam omnem, quam patiebatur tribulationem, copiosissimè sibi esset remuneratus, ac omnem dolorem mitigaturus. Quibus verbis adeò statim ipsa compuncta fuit, & quasi quibusdam igniferis amatorijs iaculis vulnerata. Et sicut prius præ dolore cordis & impatientia sensus, non poterat cessare à lachrymis multis: ita & nunc per quindenam ferè vel amplius, non valebat se continere à fletibus, præ magnitudine contritionis & diuini amoris. Dolebat namque & plorabat, pro cæcitate præteritæ negligentiae & obtusitatis suæ diurnæ, in qua tamdiu impatiens & inconsiderata fuit: quod nec matris nec cuiuscunque hominis consolationem admittere poterat, nec causam lachrymarum alicui indicare.

3. Exhinc iam receptio salutari sacramento cum magna contritione, coepit frequentibus consolationibus diuinis refoueri, licet nondum per raptum contemplationis excederet. Nec tamen interrogantibus, volebat causam lachrymarum suarum patefacere: ne manna absconditum, quod gustauerant, perderet; sed reticendo, securius in corde seruaret. Vtebatur autem per diuinâ dispensationem huiusmodi consolationibus octo ferè annis, antequam inciperet extaticè rapi extra corporis sensus.

4. His igitur duobus adiutorijs, scilicet sacra communicatio ne corporis Christi, & deuota meditatione Dominicæ passionis, quasi quibusdam duobus amorosis brachijs, amplexabatur dilectum Sponsum suum Iesum Christum. Ideoque confidenter cum sponsa in amoris cantico dicere poterat: (cuius ineffabilis dulcedinis gratiam in se frequenter per experientiam sentiebat) Fasciculus myrræ dilectus meus mihi, inter ubera mea commorabitur. Sicut enim myrra mortuorum corpora à putrefactione præseruat, ita & quotidiana passionis Christi exercitatio, mentem eius ab impatientia & murmure præseruabat. Et sicut panis materialis manducantem roborat, ita suscepit corporis Christi spiritum eius reficiens, vitam & latitiam ei conferebat.